

Vuk'uzenzele

O e tlisetwa ke Dikgokahano tsa Mmuso (GCIS)

English/Sesotho

Hlakola 2023 Kgatiso 2

Ho hlaphohelwa ha Eskom ho tla nka nako

Eskom e shebile kgonahalo ya ho kenya tshebetsong Mothati wa 2 le wa 3 wa kimollo ya motlakase dilemong tse pedi tse tlang ho fa diteishene tsa motlakase sebaka sa ho sebetsana le mathata a tokiso le ho netefatsa ho akanyeha ha motlakase bakeng sa maAfrika Borwa.

Sena ke ho ya ka Modula-setulo wa Boto ya Eskom, Mpho Makwana, ya sa tswa ho bua nakong ya dipuisano le boraditaba mabapi le diphephetso tsa tsamaiso ya setheo sena sa motlakase le nehelano ya leano la phetoho ya setheo sena sa motlakase.

"Re batla ho etsa bonnete ba hore re thea bokamoso bo itseng ka ho kenya tshebetsong maemo a moshwelella a Mothati wa 2 le wa 3 wa kimollo ya motla-

kase dilemong tse pedi tse tlang, ho fana ka sebaka se lekaneng sa tlhokomelo ha re ntse re fa naha boemo ba ho tseba esale pele kapa ho tsitsa ha ho rera maphelo a bona betere."

"Ho tloha mothating o mong [wa kimollo ya motlakase] ho ya ho o mong ka nako e kgutshwane ha ho molemo bakeng sa kgwebo efe kapa efe sebakeng sefe kapa sefe ka hara metse ya rona," ho boletse Makwana.

O hlalositse hore mohato ona ke karolo ya morero o pharalletseng wa ho amahanya ditsi tsa kgale tsa Eskom le maemo a tshebetsiso e fapaneng.

Makwana o netefeditse maAfrika Borwa hore dihlopha tse diteisheneng tsa motlakase ho potoloha le

E tswella pele leqepheng la 2

Setshwantsho ka: Unsplash.com



Join the Woza Matric programme

Page 2



Apply to join the SANDF Military Skills Development System before 28 February

Page 5



Ho bala Vuk'uzenzele fumana epe ya GOVAPP ho:



Batla SA Government ho Google playstore kapa ho appstore

IKOPANYE LE



Vuk'uzenzele



@VukuzenzeleNews

Diwebosaete: www.gcis.gov.za

Imeile: vukuzenzele@gcis.gov.za

www.vukuzenzele.gov.za

Mohala: (+27) 12 473 0103

Tshedimosetso House:

1035 cnr Francis Baard and Festival streets, Hatfield, Pretoria, 0083

VUK'UZENZELE KE MAHALA, HA E REKISWE

E tswella pele ho tswa ho leqephe la 1

naha di "sebetsa ka thata ho fihlela botshepehi" bo bohlokwanyana.

Ho e fetola

Makwana o re leano la Eskom la ho hlaphohelwa le kenyeletsa diteishene tsa motlakase tsa Kendal, Matla, Majuba, Duvha, Tutuka, le Kusile ho sebetsana le mathata a hajwale.

"Diteishene tse na di tlameha ho behellwa pele ka ho ntshetsapele talente e ntle ka ho fetisisa le ka tjelele e lekaneng.

"Ho etsa hore diteishene tse tshelletseng tsa motlakase di tshepehe le yuniti ya tlatsetso e Kusile [e lebelletsweng ho kgutlela tshebetsong ka Phupu] ho tla emisa ho kgaolwa ha motlakase nakong ya dikgwedi tse 24 jwalokaha re se re boletse pejana. Hape re lokela ho sireletsa le ho lebelletsa diteishene tse sebetsang hantle ka ho fetisisa tsa motlakase tse kang Matimba, Medupi le Lethabo hore di se senyehe," Makwana o boletse.

Modulasetulo wa boto o totobaditse hore le hoja setheo sa motlakase se tobane le diqhohlotso, tsena ha ke dintho tse ka etsahalang mme a tswela pele ho ipiletsa ho maAfrika Borwa ohle ho sebedisana le mokgatlo ona wa motlakase kaha o sebeletsa ho tlisa phetoho molemong wa bohle.

"Tshehetso e hlokwang ke Eskom ho maAfrika Borwa kaofela ke ho sebedisa motlakase ka paballo," ho boletse Makwana.

Mmuso o entseng ho lokisa bothata boo?

Ho tloha ka 2018, ho entswe ho hongata ho lokisa mathata a tsamaiso ya rona ya motlakase:

- Boto ya Eskom le boetapele ba phethahatso, bo neng bo senyehile ke ho hatjwa ha mmuso, bo ile ba nkelwa sebaka ke batho ba nang le tsebo.
- Diphetoho tsa sebopeho sa Eskom ho thea khamphani e ikemetseng ya mmuso ya phepele e se e qadile. Khamphani ena e tla kgona ho reka motlakase ho tswa ho bahlahisi ba fapaneng, ho kenyeletswa Eskom, ka theko ya tlhodisano. Sena se tla ntlafatsa ho tshepahala ha phepele.
- Lenaneo la enoji e ntjhafatswang le ile la tsosoloswa, mme

2 200 MW e hoketswe marangrang ho fihlela hajwale le tse ding tse 6 800 mekgahlelong e fapaneng ya phumantsho.

- Melawana e ile ya fetolwa ka Phupu 2021 ho lokolla diporojeke tsa poraefete tse kenelletseng tse hlahisang motlakase o ka tlase ho 100 MW ho fumana laesense ho tswa ho Molaodi - NERSA. Mona ke moo dikhamphani di hlahisang motlakase bakeng sa tshebediso ya tsona le ho rekisetsa basebedisi ba bang. Ka lebaka la diphetoho tsena, hona jwale ho na le diporojeke tse jwalo tse ka bang 100 tse motjheng ka matla a ho feta 9 000 MW. Ka Tshitwe 2022, moedi wa 100 MW o ile wa tloswa ka botlalo.

Nka etsang ho boloka motlakase?

- Se ke wa tlohela disebediswa ha di bulehile ha ho sa hloka hahle, tima konopo ya motlakase.
- Ha o tswa ka kamoreng kapa moahong, hopola ho tima mabone.
- Netefatsa hore o sebedisa mabone a baballang matla (di-LED) a tshwarellang nako e telele.
- Sebedisa pompo ya metsi a batang ho e na le ho sebedisa geyser nako le nako.
- Sebedisa metsi ka tlhokomelo, kena shawareng ho feta batang - e boloka metsi le matla.
- Etsa bonnete ba hore mamati a sehatsetsi le a sehwmami a na kwaleha ho tiya, a behilwe sebakeng se phodileng mmmme ha a ya thijwa ke serame - tsena tsohle di tla a thusa hore a sebetse ka hantle.

WOZA matric 2023

South Africans who are interested in upgrading their grade 12 results, taking part in the Second Chance programme, or would like to get good marks in their

matric year have an opportunity to be part of the WOZA matric programme. National Education Collaboration Trust (NECT) and the Department of Basic Education (DBE) joined forces and launched the Remote Digital Learning programme (RDL).

This was following the difficulties experienced in online learning during the different stages of lockdown as a result of the COVID-19 pandemic.

Fast forward to 2023, the campaign continues to address systemic learning challenges, digital inequality and system capacity constraints

The RDL campaign has assisted in bridging the learning gap by understanding learners' needs and how technology can play a role in learning journey.

The RDL campaign is also inclusive of the Tswelopele campaign which focuses on grades R to 11.

The Tswelopele and the WOZA Matric programme provide learning continuity, curriculum catch-up, support, revision and exam preparation through multiple digital and non-digital platforms for pupils, teachers and parents.

The Second Chance Matric Programme (SCMP) is a matric rewrite programme

that was established in 2016 for learners who would like to improve their results or eventually complete their matric qualification on a part-time basis.

During 2021 an average of 5.8 million viewers watched WOZA Matrics on SABC 1 per month. In 2022 from March to October Tswelopele users between the ages of 4 - 65 have been reached with an average reach of about 1, 5 million viewers per month.

Last year 600 000 Grade 12s, including second chance learners and 600 000 General Education and Training Certificate learners were able to have more opportunities for psycho-social support, curriculum catch-up, revision, and exam assistance. Fur-

thermore, 50 000 teachers and parents or caregivers were provided with opportunities to support their learners with catch-up and revision. **U**

This information was supplied by the National Education Collaboration Trust (NECT)

For more information about these programmes visit the following websites:

- www.wozametrics.co.za
- www.tswelopele.org.za/about-us/
- www.education.gov.za/Curriculum/SeniorCertificate/SCRegistration...



Picture: Unsplash.com



government communications

Department: Government Communication and Information System
REPUBLIC OF SOUTH AFRICA

Tel: 012 473 0353

Email: vukuzenzele@gcis.gov.za

Address: Private Bag X745, Pretoria, 0001

Head of Editorial and Production

Regomoditswe Mavimbela
Regomoditswe@gcis.gov.za

Acting Editor-in-Chief

Zanele Mngadi | Zanelemngadi@gcis.gov.za

Managing Editor

Tshepo Nkosi | Tshepon@gcis.gov.za

News Editor

Noluthando Motswai

Writers: More Matshediso

Graphic Designers

Tendai Gonese | Benny Kubjana

Production Assistants

Jauhara Khan | Sebastian Palmer

Language Practitioners

Nomgcibelo Motha | Boitumelo Phalatse
Thandolunye Khulu | Mahanyele Ramapala



Vuk'uzenzele
is published by Government
Communications (GCIS)

Distributed by:
ON THE DOT

Printed by:
RISING SUN PRINTERS
The Johannesburg Edition

The material in this publication may be reproduced, distributed, or transmitted in any form or by any means, including photocopying, recording, or other electronic or mechanical methods, without the prior permission of the publisher on condition that this publication shall be credited as the source.



Ho fedisa kimollo ya motlakase mmoho

Haufinyane tjena koranta ya Sowetan e ne e na le sehlooho se reng 'Unplugged' leqephe le ka pele, se thathamisitseng dikgwebotse nyane tse ngata ho potoloha le naha tse putlamisitsweng ke bothata ba motlakase. Ho kwalwa ha dikgwebo tsena ho bontsha tse ding tsa ditlamorao tse senyang tsa ho kgaolwa ha motlakase kgafetsa boiphedisong ba batho le ditorong tsa bona tsa bophelo bo betere.

Ho na le ditlaleho tse ding tse ngata mabapi le ditlamorao tsa kgaolo ya motlakase maphelong a batho, mabapi le tshitiso dipetlele, dikolong, makgotleng a dinyewe le ditshebeletsong tse ding tsa mmuso. Re utlwa ka difemete lahlehewang ke dihora tsa bohlokwa tsa tlhahiso, dihwai tse sa kgoneng ho boloka dihlahiswa tsa tsona di le foreshe, le matsete a ntseng a kgutlisetswa morao.

Jwalokaha tshenyo ya motlakase e tswela pele ho senya dikgwebo, malapa le ditjhaba, ntho ya ho qetela eo maAfrika Borwa a sa batleng ho e utlwa ke mabaka kapa ditshepiso tseo e seng tsa nnete. Ditlhoko tsa ho fediswa hanghang ha ho kgaoha ha motlakase di utlwahala ka botlalo. Batho bohle ba kgathetse.

Le ha ho le jwalo, re kahara tsietsi ya motlakase e qadileng dilemong tse ngata tse fetileng.

Le hoja ho ka ba bonolo ho beha molato hodima ho se sebetse hantle ha Eskom mabapi le mathata a rona a



jwale, mabaka a kopaneng a kentse letsoho mathateng ana. Ho bohlokwa ho hopola mabaka a entseng boemo ba hajwale e le hore karabelo ya rona e lwantshane le disosa tsa koduwa ya rona, eseng matshwao feela.

Kgaello ya matsete bokgoning bo botjha ba ho fehla motlakase, tlhokomelo e mpe ya polante ya motlakase, bobodu le bosenyi, ho senngwa ha meralotheo, ho phahama ha sekoloto sa masepala le kgaello ya ditsebo tse loketseng ho Eskom kaofela di bakile sefeko se phethahetseng. Ho keke ha ba le tharollo e tsitsitseng ntle le ho sebetsana le dintlha tsena kaofela ka kopanelo.

Ha ra lokela ho etsa diposho tsa nakong e fetileng.

Ka dilemo tse ngata, tlhokomelo e hlokolosi e ne e tshetjhisetswa morao, mme diteishene tsa rona tsa motlakase di ne di sebediswa ka thata e le hore mabone a dule a kgantshtswe. Re le naha jwale re lefa theko ya diphoso tsena.

Re tlameha ho ba le pono ya sebele mabapi le diqhilotso tsa rona le hore na ho tla hloka hahle eng ho di lokisa

Le hoja bohle re batla ho etsa jwalo ka matla, re keke ra fedisa ho tima motlakase ka bosiu bo le bong.

Matsatsing a mmalwa a fetileng, ke tshwere dikopano tsa dipuisano le baemedi ba basebetsi, dikgwebo, baetapele ba setso, baetapele ba bodumedi le ba mabatowa a setjhaba. Hape ke kopane le ditonakgolo, boramotse ba ditropokgoboka le baetapele ba mekgatlo ya dipolotiki.

Ho e nngwe le e nngwe ya dikopano tseo, ke ile ka hatisa bohlokwa ba ho dula tseleng, bakeng sa ho hlalisa ditharollo tsa nakwana tse sa tsitsang.

Ke tsebisitse Moralo wa Naha wa Tshebetso ya Eneji ho ntlafatsa tshebetso ya diteishene tsa motlakase tsa Eskom le ho eketsa bokgoni bo botjha ba ho fehla motlakase ka potlako kamoo ho ka kgonehang. Moralo ona e bile sephetho sa ditherisano tse batsi mme o ile wa di tshetswa ke ditsebi tsa eneji e le tsela ya nnete e lebisang ho fedisweng ha kgaolo ya motlakase.

Jwalokaha re tseba hantle feela ho tswa boiphihlelong ba dibeke tse mmalwa tse fetileng, mehato e mengata ya moralo e ke ke ya utlwahala hanghang.

Ke ka lebaka leo re sebedisang mekgwa yohle eo re nang le yona, re sebedisa mohlodi o mong le o mong oo re nang le wona, ho kenya matla kiriting ka potlako e kgolokgolo.

Sehlopha sa Eskom sa diteishene tsa motlakase tse fehlang ka mashala se fana ka bohloko ba ditlhoko tsa rona tsa eneji. Ke ka hona ho nang le kगतello e kgolo ho Eskom ho ntlafatsa tshebetso ya dipolante. Sehlopha sa ditsebi tse ikemetseng se

etsa tlhahlobo ya mathata diteisheneng tsa motlakase tse sa sebetseng hantle le ho nka kgato ya ho ntlafatsa tshebetso ya polante. Ho na le diteishene tse tsheletseng tse hlwailweng bakeng sa ho sekasekwa haholo dikgweding tse tlang ho fumana matla a eketsehileng.

Eskom e boetse e sebeletsa ho hokela Yuniti ya 5 ya Kusile kiriting ka Loetse selemong sena. Boiteko bo bong le bo bong bo potlakileng bo ntse bo etswa ho kgutlisetsa diyuniti tse ding tsa Medupi, Kusile le Koeberg tse nang le matla a mangata tshebetso.

Eskom e rekile kantle ho naha 300 MW ya matla ho tswa dinaheng tsa boahelani.

Ho na le ditherisano tse ntseng di tswela pele tsa ho fumana 1 000 MW e nngwe.

Eskom e boetse e sebeletsa ho reka matla a eketsehileng ho tswa dikhamphaning tse nang le matla a ho fehla nakong ya dilemo tse tharo.

Mmuso o saenetse ditumellano tsa diporojeke tse 25 nakong ya kopo ya 5 le ya 6 ya lenaneo la eneji e ntjhafatswang, mme diporojeke tsena di tla tswela pele ho ahwa haufinyane. Ka kopanelo di emetse 2 800 MW ya matla a matjha.

Ho eketsa phepele ya motlakase ka kakaretso, ho tlatselletsa ho seo Eskom e fanang ka sona, re nkile mehato ya ho thusa bahlahisi ba motlakase ba poraefete hore ho be le matsete a mangata tlhahisong e ntjha ya bokgoni. Tlhokahalo ya laesense bakeng sa diporojeke tsa ya tlhahiso tse kenyelletseng e tlositswe. Ho tloha ha re qala

ho phahamisa moedi wa ho fana ka laesense ho fihla ho 100 MW, motjha wa diporojeke tsa lekala la poraefete o hodile ho ba diporojeke tse fetang 100 tse nang le matla a fetang 9 000 MW.

Re fokoditse mekgwa tiehiso le mme ra bapisa ditshebetso tsa taolo, e leng ho fokotsang dinako tse behilweng bakeng sa tumello ya tikoloho, ngodiso ya diporojeke tse ntjha le tumello ya ho hokela kiriting.

Mohlodi o mong o moholo wa matla a matjha a ho fehla motlakase ke diphanele tsa letsatsi tse marulelong a matlo le a dikgwebo.

Haufinyane mosebetsi mabapi le sebopeho sa ditheko se tla dumella bareki ho rekisa motlakase o setseng ho tloha diphanele tsa letsatsi tse marulelong ya kiriting o tla phethelwa.

Kaofela re ka bapala karolo ya rona ka ho lefella motlakase oo re o sebedisang.

Dikoloto tse kgolo tse kolotwang Eskom ke bomasepala di ama hampe bokgoni ba Eskom ba ho lefella ditokiso tse hlokolosi.

Bankakarolo bohle bao ke kopaneng le bona ntle le mokgelo, ba ananela bohlokolosi, botebo le ho rarahana ha diqhilotso tseo re tobaneng le tsona. Kaofela ba hlalitswe boitlamo ba bona ba ho nka mehato efe kapa efe e hlokehang ho busetsa phepele ya rona ya motlakase le ho tswela pele ka mosebetsi wa ho ntlafatsa maphelo a batho ba Afrika Borwa.

Le hoja re keke ra fedisa kimollo ya motlakase hanghang, ho hlakileng ke hore haeba re sebetse mmoho ka potlako ho kenya tshebetso Moralo wa Tshebetso ya Matla, ho tinngwa ha motlakase ho tla fokotseha butle butle. Ka tshebetso e kopanetsweng, haufinyane re tla fihla moo re tla ba le matla a lekaneng ho fedisa ho kgaolwa ha motlakase ka hohlehohle.